



Esmar Bergstrøm
Demokraatit

Ilaqtariinnermut Pisortaqarfiup kaajallaasitaa naapertorlugu isumaginninnermi aningaasannorlugit tunniunneqartartut pillugit Naalakkersuisunut apeqqutit pillugit.

Inatsisartut suleriaassianni § 36, imm. 1 naapertorlugu allakkatit 26. juni 2006-imeersut innersuussutigalugit Naalakkersuisunut apeqqutit matumuuna akineqarput.

Paaserusukkaluarpara inuussutissarsiutigalugu angajoqqaasiaasartunut akiusut ataani apeqqutit taaneqartut qaffanneqarneri (Kaajallaasitami nr. 249-mit aaqqissuussineq, kaajallaasitaq isumaginninnermi aningaasat tunniunneqartartut pillugit 1. april 2006-imiit atuutsinneqartoq naapertorlugu) qanoq atsigisumik aningaasartuutit annerulertigisarnersut:

- **§ 15: Oqilisaanermi paaqqinninersiutit ullormut 400 koruuninut qaffanneqassaaq, angajoqqaarsianut nalinginnaasunut, ullormut 1.000 koruuninut qaffanneqassaaq inuussutissarsiutigalugu angajoqqaarsianut.**

Akissuteqaat: Inunnut annertuumik innarluutilinnut ikiorsiisarneq pillugu malittarisassat atuuttut naapertorlugit inuussutissarsiutigalugu angajoqqaarsiat oqilisaassinermi atorneqarsinnaanngillat. Isumaginninnermi aningaasat tunniunneqartartut pillugit Ilaqtariinnermut Pisortaqarfiup kaajallaasitaa nr. 249 naapertorlugu tamanna pillugu akeqartitsisoqanngilaq ullormut 1.000 kr-nngorlugit qaffanneqarsinnaasunik. Akerlianik immikkorluinnaq ittunik piumasaqaatitalinnillu pissutsinik pisoqarpat oqilisaassinermi paaqqinninersiutit massakkut 284 kr.-usut 200-nik imaluunniit 300 procentinik qaffallugit tunniunneqarsinnaapput.

Ilaqtariinnermut Pisortaqarfiup naatsorsuutigaa massakkuugallartoq Nunatsinni innunnut annertuumik innarluutilinnut oqilisaassinermi ukiumut 200.000 kr.-t missaanniittut atorneqartartut. Agguarneqarlutik kommuninut misiligaaffiunngitsunut suliassaqaarfimmut 100.000 kr.-nik qaffasissuseqartunik 2005-imut inaarutaasumik

13.07.2006
J.nr. 01.20/2006

Postboks 260
3900 Nuuk
Oq/tel +299 34 50 00
Fax +299 32 45 47
ilapi@gh.gl
www.nanoq.gl/ilapi

isumannaarneqassasut naatsorsuutigineqarpoq. 2006-imi kommuninut misiligaaffiusunut Ummannamut 44.000 kr.-nit, Aasiannut 44.000 kr.-nit kiisalu Ilulissanut 30.000 kr.-nit missingersuutigineqarput. Kommunit misiligaaffiusut sinneri suliassaqaarfimmut aningaasartuutissanik missingersuusiorsimangillat.

Isumaginninnermi aningaasartuutit tunniunneqartartut pillugit Ilaqutariinnermut Pisortaqaarfiup kaajallaassitaani § 15-imi akigitinneqartup 284 kr.-niit 400 kr.-nut (40,85%) qaffanneqarnera suliassaqaarfimmi ataatsimut aningaasartuutit allanut naleqqiullugu 40%-inik qaffanneqarneranik minnerpaamik kinguneqassaaq. Tassunga ilanngullugu oqilisaassinerup pilerinarnerulernerata kingunerisaanik aningaasartuutit qaffanneqarneranissai naatsorsuutigineqassaaq. Ilaqutariinnermut Pisortaqaarfiup nalilerpaa allannguissamik siunnersuutigineqartup kingunerisaanik suliassaqaarfimmi aningaasartuutit ukiumut katillugit 100.000-niit 200.000 kr.-nut qaffanneqassasut.

- **§ 10: Paaqqinninnermi nalinginnaasut pilertortumillu paaqqinnittariaqarnermi paaqqinninnermi 20%-inik qaffanneranni. Tulliani nutaamik tapiliussisoqassaaq: Inuusutissat tapiliussa, ullormut 49,84 kr.-t, assigalugu ilaqutariit oqilisaassisut § 15 malillugu paaqqinninnermut pisartagaat.**
- **§ 12: Allatsinnermi aningaasaliuttagaq 10.000 kr.-nut qaffanneqassaaq.**

Akissuteqaat: Naalakkersuisut ajuusaarutigalugu nalunaarutigissavaat qulaani apequtigineqartut akissuteqaarfisinnangitsut. Apequtinik akissuteqaarnissamut piumasaqaataavoq meeqqat inuusuttullu angerlarsimaffiup avataanut ukiumut qassit inissinneqartarnersut, pilertortumik inissiisarnert qassiunerat pillugit naatsorsueqqissaarnermik ilisimasaqarneq taamatuttaaq paasissallugu pisariaqarpoq ullunik unnuanillu qassinik inissiinerit sivilissuseqarnersut. Ajoraluartumik paasissutissat taakku Ilaqutariinnermut Pisortaqaarfiup massakkuugallartoq pigingilai.

Tassunga atatillugu Naalakkersuisut erseqqissaatigissavaat suliassaqaarfimmi aningaasartuutit kommuninut suliassarimmassuk taamaalillunilu kommuninut aqunneqarlutik. Allatsinnermut aningaasaliissutigineqartartut qanoq annertutigisut kommuninut assigiingitsut atortarneraat qitiusumit naatsorsugaatigineqanngilaq taamatuttaaq Nunatsinni meeqqat inuusuttullu qassit namminneq aalajangerterit naapertorlugu angerlarsimaffiup avataanut angajoqqaarsianut inissinneqartarnersut naatsorsugaatigineqarnani.

Paasissutissat allani nassaassaanersut paasiniassallugu Naalakkersuisut ikiuukkusupput taamaattumillu Nunatsinni kommuninut ataasiakkaanut tamanut kiisalu KANUKOKA-mut Ilaqutariinnermut Pisortaqarfik allagaqarniarpoq apeqqutit akineqarnissaannut atatillugu taakku ikiuussinnaanersut paasiniarlugu. Nalinginnaasumik kommunini ulapaarneq sulinngiffeqarnerillu pissutigalugit Inatsisartut suleriaassianni § 36, imm. 1 naapertorlugu akissuteqarnissamut piffissaliunneqartup qaanngiutinnginnerani taamanna angumerineqarsinnaanngilaq taamatuttaaq UKA 2006-ip ingerlanneqarnissaanut tamanna angumerineqarsinnaannani. Qulaani taaneqartunut apeqqutinut akissuteqarnissamut atorneqartussat kommunit ataasiakkaat KANUKOKA-llu paasissutissaatigippassuk tunniusserusussappatalu Inatsisartunut ilaasortamut Esmar Bergstrøm-imut Inatsisartullu Allaattoqarfiannut piaartumik 2006-illu ukiaanerani Ilaqutariinnermut Pisortaqarfiup apeqqutinut akissuteqaatit nassiuatissavai.

Inussiarnersumik inuulluaqqusillunga

Aleqa Hammond
Ilaqutariinnermut Inatsisinillu Atortitsinnermut Naalakkersuisoq